

Oktober 2018

## RUSSIESE BOOTVAART 4 – 17 Augustus 2019 TOERPROGRAM

### Augustus

#### So 4 JOHANNESBURG

Ons vertrek op **04 Augustus 2019** vanaf die **O.R. Tambo-/Kaapstadlughawe**. Ons vlieg met **Emirates** en moet om **16:10/18:05** op die lughawe wees vir **Vlug EK 764/EK 771** wat om **19:10/18:05** na **Dubai** vertrek. Daar is 'n beperkte aantal direkte vlugte vanaf Kaapstad na Dubai beskikbaar. Volledige vlugbesonderhede volg met Omsendbrief 1.

#### Ma 5 DUBAI – MOSKOU

Ons land vanoggend om **05:25/05:30** in **Dubai**, van waar ons om **09:40** ons aansluitingsvlug na **Moskou** haal. Kapenaars sluit in Dubai by die groep aan en vertrek saam na **Moskou**. Ons land om **13:50** in **Moskou** – die hoofstad van Rusland, wat die grootste land ter wêreld is. Hierdie eens magtige keiserryk is al 850 jaar oud en ontwikkel steeds binne 'n vinnig-veranderende politieke en ekonomiese klimaat. Moskou word beskryf as 'n stad wat bestaan uit 'n pragtige samesmelting van oud en nuut, vreemd en bekend, verval en sprankel!

Ons groep gaan van die lughawe reguit na die boot, die **MS Repin**, wat reeds in die hawe vasgemeer lê. Na aankoms kan ons uitpak en ontspan.

#### Di 6 MOSKOU

Vanoggend onderneem ons 'n **stadstoer** van Moskou. Daarna besoek ons die ongelooflik mooi Moskouse **ondergrondse stasies** en die bekende **Arbat-sstraat** vir inkopies. Ons neem kospakkies vir middagetee saam, sodat ons soveel as moontlik tyd in die stad kan deurbring.

Daar is vanaand geleentheid vir 'n opsionele besoek aan die sirkus in Moskou (indien daar 'n vertoning is) of opsionele busuitstappie genaamd "Moscow by night".

#### Wo 7 MOSKOU

Ons ervaar iets van die Russiese argitektoniese kultuur- en kunsskatte tydens 'n besoek aan die **Kremlin**, setel van die Sowjet-regering en vroeëre paleis van die Tsaars. Hierdie 25 hektaar ommuurde area huisves katedrale, paleise en administratiewe geboue, onder andere die Kremlin-paleis, die Katedraal-plein, Iwan die Grote se Kloktoring en die **Wapenkamer ('Armoury')**, waar 'n besonderse versameling kroonjuwele en skatte van voormalige Tsaars vertoon word. Daar word ook tyd op die Rooiplein deurgebring – die hart van Moskou, 400 m lank en 130 m breed. Die St Basil (Basilius)-katedraal oorheers die een kant van die plein. Regs van die plein is die Kremlinmuur en voor die muur Lenin se Musoleum van rooi en swart marmar. Die boot vertrek ongeveer **17:00** na Uglich.

*Let wel: Die volgorde van die program in Moskou kan verander.*

#### Do 8 UGLICH

**Uglich**, wat uit 1148 dateer, is een van Rusland se mees geliefde stede. Die meeste uitstappies in Uglich konsentreer rondom die ou Kremlin met sy talle antieke geboue aan die waterfront. Aan die einde van die 16de eeu het Maria Nagaya, Iwan die Verskriklike se vrou, in ballingskap in die Kremlin van Uglich gewoon. Die fassinerende rooi Kerk van St Dmitry, wat ná die heiligverklaring van die vermoorde Tsarevich Dmitry gebou is, staan hier naby. Uglich se oudste gebou, die Paleis van Tsarevich Dmitry, is ook hier te sien. Ons spandeer ongeveer drie ure in Uglich. Die straatstalletjies is 'n fees vir die oog en ervaring het geleer dat aankope hier van die goedkoopste is. Die boot vertrek om **19:30** na Yaroslavl.

#### Vr 9 YAROSLAVL

Ons arriveer om **08:00** in **Yaroslavl**. Ons onderneem 'n stadstoer deur hierdie 1 000 jaar oue handelstad wat oor 'n afstand van 26 km langs die oewer van die Wolgarivier lê.

Van die belangrikste besienswaardighede is die manjifieke Spassky-klooster en die Kerk van die profeet Elia, wat 'n unieke versameling ou Russiese muurskilderye (fresko's) huisves. Die sang in hierdie kerk deur 'n paar manne is iets wat 'n mens nooit vergeet nie.

Daar is ook geleentheid om tussen die straatstalletjies rond te drentel en eg-Russiese handwerk en aandenkings te bewonder of te koop.

**Sa 10 GORITSKY KIRILLO**

Vandag het ons geleentheid om meer van Rusland se binneland te sien terwyl ons per bus na die nabygeleë **Goritsky Kirillo** ry. Dit is een van die interessantste stede van die Karelië-republiek. Die eenvoudige leefwyse van die inwoners is opvallend: Hulle leef "van die grond af", elkeen met sy/haar eie groentetuintjie. Ons besoek onder andere die Belozerski-klooster, een van die grootstes ter wêreld. Straatstalletjies met snuisterye word oral aangetref.

**So 11 KIZHI-EILAND**

Hierdie klein eilandjie word via die Wolga/Baltiese-kanaal bereik en is 'n fees vir die oog! Ons meer ongeveer **16:30** by Kizhi vas. Veral die suidelike punt van **Kizhi-eiland** word gekenmerk deur talle kerke, kapelle, kloktorings, plattelandse huisies, graan- en ander skure en windmeulens – 'n versameling wat duidelik die styl en argitektuur van Noordelike Rusland uitbeeld. Die hele eiland is 'n opelug-museum. Die "Kerk van Verheerliking" met sy 22 houtkoepels is die toppunt van die Russiese sprokies-argitektuur!

Die boot vertrek weer teen **20:00**.

**Ma 12 MANDROGY**

Vandag beleef ons 'n ontspanne atmosfeer en leer ken ons meer van die Russiese platteland in **Mandrogj**. Ons word met 'n tradisionele Shashlyk-braai in die buitelig onthaal (indien die weer dit toelaat), afgerond met eg-Russiese volksvermaak. Ons besoek ook toonkamers waar vroue tipies Russiese handvlyt beoefen, soos die allerfynste kantwerk en die maak en verf van matrushka-poppies. Ons hou vanaand konsert en indien die weer dit toelaat, hou ons middernagfees op die dek om die middernagson, wat baie laat ondergaan, te aanskou!

**Di 13 – Do 15 (3 aande)**

**ST PETERSBURG**

Met 101 eilande, 66 kanale en honderde brûe is St Petersburg (of Leningrad, soos dit vroeër genoem is) een van die wêreld se elegantste stede! Die skoonheid lê in die vermenging van Oosterse en Westerse argitektuur en kuns. Vanweë die stad se ligging op 'n netwerk van riviere, eilande en die see, staan dit ook as die Venesië van die Noorde bekend.

Oor die volgende drie dae kry ons geleentheid om hierdie pragtige stad goed te verken. Ons begin met 'n begeleide **stadstoer** van dié merkwaardige stad. Ons besoek oa die kolossale **St Isak-kerk** – 'n ongelooflike ingenieurswonder.

Ons besoek ook die internasionaal bekende **Hermitage-museum**. Hierdie museum bevat die grootste versameling kuns- en antieke werke ter wêreld, wat verklaar waarom dit as die "Moeder van alle Kunsmuseums" bekend staan. Dit is slegs die Louvre in Parys en die Prado in Madrid wat met hierdie museum kan wedywer. Dié museum was vroeër die Winterpaleis, waar die laaste ses Tsaars gehuisves is.

Ons besoek **Peterhoff**, een van die tsaars se weeldepaleise, met indrukwekkende tuine en 'n goue spuitfontein.

Een aand woon ons 'n **folklore-vertoning** by. Daar is ook geleentheid vir 'n opsionele ballet-opvoering (indien daar 'n vertoning is).

**Vr 16 ST PETERSBURG – DUBAI – JOHANNESBURG**

Ons ontskep ná ontbyt. Daar is vir oulaas tyd vir inkopies in die stad. Ons eet middagete in 'n interessante restaurant en onderneem laatmiddag 'n kanaalvaart voordat ons na **St Petersburg** se lughawe vertrek vir ons vlug huiswaarts. **Emirates** se **Vlug EK 176** vertrek om **23:55** vanaf **St Petersburg** na **Dubai**.

**Sa 17 JOHANNESBURG/KAAPSTAD**

Beide aansluitingsvlugte vanaf Dubai na Johannesburg en Kaapstad vertrek laatoggend na Suid-Afrika, waar ons laatmiddag arriveer. Ons groet ons familie en vriende met interessante stories van 'n wonderlike reis- en lewenservaring.

**Hierdie program is aan veranderings onderhewig indien onvoorsiene omstandighede dit noodsaak.**